

佛本行集經卷第五十六

藉六

扶踈二字正隊徒對靖音靜拄地耐反搨尼反厄

牢鞞下音非作非飲飼二音同歇許謁嬰反盈瘠

才亦悅懌下音非徒斯紫相貌上去聲縱廣上足

反狹小夾上俟稠直流竹葦下于稻盜音瘡疣音下

尤脆取歲俛仰兔上音卷巨貴傘音散埽瓦音上

專嫌恨點反苦掃帚下之峻嶮上錐閭反隈烏反回

髓腦上息委反廁圉上初使去反嗅鼻許於

鼻取氣上俗下正

佛本行集經卷第五十七

藉七

隋天竺三藏法師闍那崛多譯

難陀因緣品下

尔時佛告長老難陀如是如是若人親近諸惡知識共為朋友交往止住雖經少時共相隨順後以惡業相染習故令其惡聲名聞遠

末甫

至尔時世尊因斯事故而說偈言

猶如在於魚鋪下 以手執取一把茅

其人手即同魚臭 親近惡友亦如是

尔時世尊又共長老難陀至於一賣香邸見

彼邸上有諸香裏見已即告長老難陀作如

是言難陀汝來取此底上諸香裏物難陀尔

時即依佛教於彼底上取諸香裏佛告難陀

汝於漏剋一移之頃捉持香裏然後放地

尔時長老難陀聞佛如此語已手持此香於

一剋間還放地上

尔時佛告長老難陀汝今當自嗅於手看尔

時難陀聞佛語已即嗅自手佛語難陀汝嗅

此手作何等氣白言世尊其手香氣微妙無

量佛告難陀如是如是若人親近諸善知識

恒常共居隨順染習相親近故必定當得廣

大名聞

尔時世尊因此事故而說偈言

若有手執沉水香 及以藿香麝香等

須臾執持香自染 親附善友亦復然

尔時世尊出迦毗羅婆蘇都城至本住處以此因緣聚集大衆諸比丘已即告長老難陀言曰難陀汝今莫親近彼六群比丘莫共彼等以爲親友何以故若其有人親近如是惡知識者雖復與彼共爲朋友或時與彼互相承事隨順彼等一切事業但爲惡人共相親近即得世間惡名流布

長老難陀汝若欲覓親友知識當近比丘舍利弗比丘大目連比丘大迦葉比丘迦旃延比丘優樓頻螺迦葉那提迦葉伽耶迦葉優波斯那摩訶俱絺那摩訶孫陀離波多等諸比丘輩勸汝親近隨順承事所以者何若人親近善知識者承事親善雖未證得利益之事交獲世間名聞流布
尔時世尊以此因緣而說偈言

若人親近惡知識 現世不得好名聞
必以惡友相親近 當來亦墮阿鼻獄

蕭行五七

二

李

若人親近善知識 隨順彼等所業行

雖不現證世間利 未來當得盡苦因

尔時世尊雖以善言教示難陀而彼難陀猶戀王位自在之樂憶孫陀利五欲之事於佛法中猶不欣樂欲捨梵行欲捨具戒還從家事尔時世尊知彼長老難陀心已作如是念然此難陀煩惱熾盛豈能小教破彼煩惱我於今者須作方便喻如世間以火滅火以毒治毒作是念已執彼長老難陀之手從尼俱陀樹林而出以神通力隱沒其身忽然在於香醉山上出現而住

尔時彼山以風吹故兩樹相措遂即出火燒然彼山出大烟炎時彼山內多有獼猴其數五百被火燒毛皆悉存地摩滅身火
尔時世尊見有一箇雌瞎獼猴在彼群內亦復以手撲滅身火

尔時佛告長老難陀汝今見此雌瞎獼猴在彼群內亦復以手滅其身火如此已不尔時

難陀白佛言世尊如是如是我今已見
尔時世尊尋復告彼長老難陀作如是言汝
意云何汝孫陀利可喜端嚴與此狝猴是誰
為勝

尔時難陀遂向世尊頰眉蹙面嘿然不言尔
時世尊執持長老難陀手臂從香醉山没身
三 行五十七

往至三十三天現於波利質多羅樹時彼樹
下有一大石名曰婆奴唵逆林 摩羅 甯言住 反
於彼處

尔時帝釋天王往入彼園遊戲其園名曰伊
迦分陀利將領五百宮人姝女左右圍遶作
倡伎樂於時世尊見帝釋王在彼伊迦分陀

利園將領五百姝女音聲歡娛受樂時佛即
告長老難陀作如是言汝今見此五百姝女
作倡伎樂遊戲以不難陀白言如是世尊我
今已見

尔時世尊尋復告彼長老難陀作如是言汝
意云何為當釋女孫陀利好為當五百姝女

端正長老難陀白言世尊如以彼時雌瞻狝
猴與孫陀利共相比校百倍不如乃至千倍
至百千倍世間算數亦不可及我今如是孫
陀利女欲令比比姝女五百亦復不如百倍
千倍至百千倍世間算數所不能及今者云
何可為比喻

尔時佛告長老難陀汝今意欲共此姝女相
娛樂不

尔時難陀歡喜踊躍白言世尊如我意者實
欲與彼五百姝女共相娛樂

尔時佛告長老難陀汝今不可以此凡身共
彼娛樂若欲然者必須以汝歡喜之心於我

法中行於梵行我當報汝今者若能隨順此
法行清淨行命終捨身於未來世必得受報
生於此處共此五百諸姝女輩共相娛樂

尔時難陀聞此事已歡喜踊躍遍滿其體不
能自勝而白佛言世尊我從今日於佛法中
歡喜行於清淨梵行世尊今者已許報我我

今實欲當未來世生於此處共此五百諸婬女等共相娛樂

尔時世尊復執長老難陀臂已從三十三天没身還其本處

尔時難陀作如是念世尊於先已許報我於未來世當得共彼五百婬女以相娛樂是故

精 行五十七

四

難陀以此因緣盡其身心正念行於清淨梵行調伏諸根節量飲食初夜後夜起誦經行勇猛精進不共他人言談戲笑心不躁急心無狡猾口不綺言發精進行念四威儀樂於空寂閉塞諸根成就最勝微妙正念

尔時難陀若欲意觀東方之時安定身心志

意充滿既正念已然後方始觀於東方如是觀時無有愁惱無有黑闇於不善法終無漏失亦不迷惑如是欲觀南西北方上方下方亦定身心志意充滿如是觀時亦無愁惱無有黑闇於不善法更不漏失亦不迷惑
尔時難陀或有同行諸比丘輩而告之言長

老難陀汝於先時不閉諸根於諸飲食不知厭足恒求妙好床褥卧具安隱睡眠本無厭足或時戲笑心意不定狡猾綺語不曾精勤恒常懈怠亦無正念多諸忘失威儀漏缺無禪無定不能攝心諸根逸浪不可具說云何今者諸根調伏飲食知足初夜後夜不曾睡眠無復狡戲攝斂身心又不綺語勇猛精進正念正勤已得禪定心不漏逸諸根不浪長老今日何因得尔

精 行五十七

五

尔時難陀告彼同行諸比丘言諸長老輩當知世尊於未來世將欲報我五百婬女歡娛受樂是故我今於此法中勤行梵行

尔時難陀親友同行諸比丘等於彼難陀欲有調笑嘲弄譏戲各相謂言長老難陀於世尊所客作傭力求將來報故於法中勤行梵行長老難陀汝於佛邊行梵行者止為諸天五百玉女行梵行耳

尔時長老難陀親友諸比丘等從尔已後是

故常喚為客作者

尔時世尊見此難陀為諸玉女行於梵行遂便執臂從彼尼拘陀林而出没身入於大地獄裏世尊於時見一銅釜下然猛火其釜赫赤與火無異出大光炎熾然赭赭世尊見已告彼難陀汝往問此諸獄卒等此之銅釜欲為阿誰熾然湧沸乃至如是長老難陀聞佛是語白言世尊唯如佛教即往詣彼諸獄卒邊而問之言此大銅釜欲為何人如是湧沸乃至此也

尔時獄卒咸報難陀作如是言佛有姨母所生之弟名曰難陀為彼人故燒然此釜

難陀復問汝豈不聞如來往日許報其人若為五百天樂姝女行於梵行後得生於三十天諸獄卒言如是如是我等已知但我等輩復聞其人於彼三十三天之上墮落已後來生此處

尔時難陀聞此語已心生恐怖舉身毛豎作

如是念我若次第於此受苦我今亦欲不用如此姝女果報

尔時世尊即執長老難陀臂已從地獄內隱没其身還至尼俱陀林而出

尔時難陀為以同行諸親友等恒常喚作佛客作人被笑被呵譏調戲弄復見地獄慚愧

恐怖即生厭離自悼自悔求空閑處獨行獨坐更不放逸精進勇猛凡善男子其有正信捨家出家求於無上清淨梵行行已現得自證神通得諸漏盡口自唱言生死已盡梵行已立所作已辦不受後有證羅漢果心得解脫長老難陀亦復如是證羅漢果然後始往

籍行五十七

六

至於佛所頂禮佛足却坐一面

尔時長老難陀白佛作如是言今捨世尊往日恩許我昔欲取如來報者正為五百諸天姝女是故如此而今世尊得解脫也

尔時佛告長老難陀非但今日我於汝邊始得脫也汝初唱言梵行已立所作已辦不受

後有我於彼時已得脫也

尔時長老難陀同行諸比丘等未知難陀得漏盡者猶如先日未漏盡時戲弄調唱如是言長老難陀於世尊所客作求報為彼五百諸天樂女行於梵行

尔時世尊作如是念此等比丘未知難陀諸漏已盡還依昔日未漏盡時猶故唱言長老難陀為彼諸天五百婬女行於梵行我恐彼等多獲罪過然我今者可於眾中宣揚顯說長老難陀漏盡事也

尔時世尊以如此等因緣事故集聚一切諸比丘僧既聚集已而告之言汝諸比丘若有
人言好男子者難陀比丘即其人也若言端正亦即難陀比丘是也大壯人者難陀比丘亦其人也
若言身體細軟弱者亦復難陀比丘是也
若言有人諸根寂靜不散亂者亦復難陀比丘是也

釋行五十七

七

若有人言於諸飲食知節量者亦復難陀比丘是也

若有人言初夜後夜不睡眠者今亦難陀比丘是也

若言三族清淨生者亦即難陀比丘是也
若有人言得六通者此亦難陀比丘是也

若言得八解脫定者亦復難陀比丘是也

尔時世尊告比丘僧作如是言汝諸比丘於我聲聞弟子之內調伏諸根難陀比丘最為第一

時諸比丘而問佛言如是世尊其彼長老難陀比丘往昔之時有何善根因彼善根生於釋種甚大富貴豐足資財其人身體端正可喜世尊今日復記云我聲聞弟子調伏諸根最第一者難陀比丘即其人也作是語已佛告彼等諸比丘言汝諸比丘我念往昔九十一劫時有一佛出現於世名毗婆尸多陀竭多阿羅呵三藐三佛陀如來應供正遍知明

行足善逝世間解無上士調御丈夫天人師
佛世尊於彼世界王所居住彼有一城名槃
徒摩低於時彼佛依彼城住有諸比丘六千
人俱皆阿羅漢時有一王名曰槃頭供養彼
佛及比丘僧尊重恭敬所謂衣服卧具飲食
及諸湯藥房舍之具無所乏少

尔時槃頭摩低城內有一種姓婆羅門子而
彼童子營造温室請佛及僧洗浴供養其婆
羅門種姓童子見諸比丘從温室出身體清
淨甚大香潔無有臭氣見已心生歡喜踊躍
遍滿其體不能自勝心發是願願我來世常
得如是清淨無垢不腥臭身當似如是比丘
僧等清淨香潔無臭之身

又於後時毗婆尸佛多他伽多阿羅呵三藐
三佛陀入般涅槃其王槃頭為彼世尊所有
舍利取四種寶為造塔廟所謂金銀琉璃玻
璃時彼種姓婆羅門子檢校經營當造彼塔
既造塔已心作是願願我來世恒常值遇如

積

行五十七

求

是世尊彼所說法願我領解悉得證知莫背
彼法生生世世不入惡道而彼童子命終之
後恒生天上或生人間於後一生生一大富
長者之家父母養育隨時長大意智漸漸皆
得成就

尔時童子其家恒有一辟支佛為作門師數
數至家彼辟支佛可喜端正具足三十大丈
夫相而彼童子恒以四事供養供給彼辟支
佛盡其一形無所乏少其辟支佛盡其住世
然後涅槃

尔時長者見辟支佛命終涅槃即取彼身如
法闍毗收取舍利起塔供養以泥塗飾復以
石灰重泥其上以莊嚴故懸諸種種寶珠瓔
珞發是願言願我未來恒值如是辟支世尊
而彼世尊所說之法聞已領解永不忘失生
生世世不墮惡道亦願我身端正可喜見者
歡喜身有三十大大丈夫相具足無減如此大
仙等無有異而彼長者捨身命終後更不曾

生於惡道恒生人天久久流轉於後復生彼
羅柰國彼時有王名吉利尸隋言以為彼子

於尔之時乃有一佛出現於世名曰迦葉多

他伽多阿羅呵三藐三佛陀然彼世尊隨其

住世滅度已後吉利尸王純以七寶為造塔

廟所謂金銀玻璃琉璃及赤真珠珊瑚瑪瑙

著行五七

九

其寶塔外更以甌磚重覆其上其塔高峻至

一由旬東西縱廣各半由旬為作銘記名曰

達舍婆陵迦

隋云十相

尔時吉利尸王所生七子僉曰王言善哉大

王當知我等欲於迦葉多他伽多阿羅呵三

藐三佛陀舍利塔上各各奉施一大繳蓋以

覆其塔善哉大王願垂聽許王告之言任隨

汝等我今聽造

尔時彼等諸七王子各以一寶造其一蓋覆

其塔上或造金蓋或造銀蓋乃至或造瑪瑙

等蓋其七子内第二王子造其金蓋以覆塔

上心發是願願我來世恒值如是辟支佛尊

彼所說法願我領證永不忘失生生世世不
墮惡道所生之處願得猶如金色之身

尔時佛告諸比丘等汝諸比丘若有心疑於

彼槃頭摩城之内婆羅門子供養彼佛及比

丘僧温室洗浴心發是願願我來世當得似

此比丘僧眾清淨無垢香潔之身於毗婆尸

多他伽多阿羅呵三藐三佛陀滅度之後造

塔供養之童子者汝等比丘莫作異見此即

難陀比丘是也

汝諸比丘汝等若有疑彼長者一形供養彼

辟支佛滅後復以舍利起塔供養塗治及以

石灰種種莊飾及諸瓔珞供養彼塔心作是

願願我來世如此辟支端正可喜觀者無厭

身有三十大大丈夫相具足無減如此仙人

蓋是誰也汝諸比丘莫作異見此亦難陀比

丘是也

汝諸比丘汝等若有心疑於彼波羅捺城吉

梨尸王第二之子為彼迦葉多他伽多阿羅

呵三藐三佛陀造作金蓋以覆塔者莫作異見此亦難陀比丘是也

然此難陀以於往昔毗婆尸佛及比丘僧為作溫室如法洗浴因發是願願我來世當得如是清淨香潔無垢之身如此比丘清淨無垢又復供養辟支佛尊尊滅度後起舍利塔

精行五十七

十

以泥塗治石灰嚴飾并以瓔珞而莊校之心作是願願我來世如是端正如是可喜身有三十二大丈夫相具足無減如此仙人復於迦葉多他伽多阿羅呵三藐三佛陀滅度之後造舍利塔純金造蓋以覆其上心發是願願我來世所生之處身恒金色藉彼業緣今

成如此可喜端正觀者無厭金色之身復有三十二大丈夫相皆悉具足無有缺減

於彼之時復起心願願我來世勿生惡道藉彼業報不曾生於惡道之內恒得生於人天道中

復於彼時毗婆尸佛多他伽多阿羅呵三藐

三佛陀造塔之時檢校經紀於辟支佛復以四事盡形供養藉彼業報因緣力故今得生於釋種之家

又於今時心發是願願我來世常得值遇如是世尊或勝此者然彼世尊所有法教願我聞已速得證解藉彼業報因緣力故今得值我即於我邊而得出家及具足戒我復授記告諸比丘若知於我聲聞弟子調伏諸根最第一者難陀比丘即其人也

汝諸比丘汝等須知難陀比丘昔日造作如是善根藉彼善根今得生於釋種之家身有金色具足三十二大丈夫相現得出家受具

精行五十七

十一

足戒得羅漢果復得授記作如是言若欲知我聲聞弟子調伏諸根最第一者所謂難陀比丘是也

佛本行集經婆提唎迦等因緣品第五十八上

今時提婆達多釋種童子見諸五百釋童子等捨家出家心發是念我今亦可於世尊所

捨家出家作是念已至父母邊白如是言善哉父母我今發心將欲佛邊捨家出家願垂許我作是語已父母即告提婆達多釋童子言我等今者作是思惟我等須依提婆達多提婆達多復須依我既如此者隨汝意樂當作是事

尔時提婆達多童子身著上妙無價衣服乘最勝象從迦毗羅婆蘇都城欲出城外於城門頰為鉤所挂衣裳破裂於彼之時有一解相大婆羅門在邊而見其彼見已記此童子所規之事必當不成

尔時童子提婆達多即出城已詣向佛所頂禮佛足却住一面而白佛言唯願世尊放我出家

尔時世尊正念觀彼提婆達多前後事業知其心行觀已即告提婆達多作如是言提婆達多汝今慎莫捨家出家但當還家在家修道持諸財錢以用布施作諸功德於我法中

不須出家

尔時童子提婆達多被佛訶已復至長老舍利弗邊而白之言聖者舍利弗與我出家尔時長老舍利弗問提婆達多作如是言提婆達多汝曾先至佛邊以不提婆達多報言聖者我先已曾至佛邊也

尔時長老舍利弗言提婆達多出尊向汝作何言說提婆達多語舍利弗如是聖者世尊語我汝莫捨家而出家也但當在家行其布施作諸功德若其在我法中出家汝無利益尔時長老舍利弗作如是念世尊今者既不聽彼於法出家我今若放彼出家者是我

精 集五十七

十一

善如是念已遂即告彼提婆達多作如是言提婆達多如世尊教汝必應當作如是事

尔時童子提婆達多被舍利弗之所發遣復詣長老目捷連邊到已頂禮却住一面而白之言大目捷連唯願聖者與我出家尔時長老目捷連遂復告彼提婆達多作

如是言提婆達多汝曾於先至佛邊不提婆達多報言聖者我已於先至佛邊也

於時長老目捷連尋復告彼提婆達多作如是言世尊語汝有何事意提婆達多復報之言世尊語我汝莫於此捨家出家但當如法在家修道以財布施作諸功德不須於我

法中出家若出家者於汝無益

尔時長老目捷連亦復報彼提婆達多作如是言如世尊教汝必應當作如是事

尔時提婆達多既被目連不許出家復詣長老迦葉所乃至略說悉如前事次復詣於迦旃延邊次復至於優樓頻螺迦葉之邊次

復至於長老那提迦葉之邊次復至於長老優波斯那之邊及至摩訶俱絺羅邊摩訶孫陀離波多邊悉皆不許既不許已方乃詣向長老優波離波多邊頂礼優波離波多足却住一面

尔時提婆達多釋種童子復從優波離波多

三

邊請乞出家然其長老優波離波多復問之言提婆達多汝應於先往到佛所提婆達多報言聖者我於先日已至佛邊

尔時長老優波離波多作如是言汝至佛邊語汝何事提婆達多作如是言世尊語我汝莫於此捨家出家但當在家如法修道以財布施作諸功德不須於我法中出家若出家者於汝無益

佛本行集經卷第五十七

藉七

藿麝上呼下時夜反口皆摧瞎上七下許轄反撲滅
木上普反頰眉上音類感而六反驗音踪音躁音同

下狡猾上古反巧反調笑上徒反嘲弄上竹反譏戲
上居依反傭力上音釜釜音絕反計力悼音腥臭
下許義反廐塼上音銘記上莫反僉七廉音鈎古候
星上音壘泥廐塼上音銘記上莫反僉七廉音鈎古候
所挂下音卦